

E aña aki ainda

Lo cuminsa construi Green Coridor



UN otro proyecto grandi cu a sufri un retraso, t'e Green Coridor, pa motibo di algun caso hudicial den Corte. Ta trata di un proyecto di mas di 100 milyon florin, cu segun Minister Benny Sevinger, tambe lo cuminsa traha riba dje e aña aki. Dia 20 di maart awor, lo tin un “pre-

ferred bidder”, unda lo determina cua compania a haci e mihor oferta y asina den proximo lunanan lo por cuminsa cu e trabao. Di acuerdo cu calculacionnan haci, pa fin di mei-juni awor, lo cuminsa cu e Green Coridor, cu ta consisti di 4 via di caminda, 2 lane bay ariba y 2 lane bin

abao, cu ta cuminsa for di Aeropuerto pa Pos Chiquito, sigui despues pa San Nicolas. Un proyecto cu lo trece hopi estimulo economia y lo lanta desaroyo rond y na San Nicolas. Ta trata di un proyecto di por lo menos 18 luna di trabao. Otro proyecto ta re-construccion di e

beach banda di Nikky Beach, y asina tin mas beach cu lo haya atencion. Proximamente destaho publico lo wordo teni. Pendiente t'e construccion di MAVO-HAVO y VWO skol na Noord cu lo bin patras di Felipe Tromp School. E mapanan ta na DOW pa wordo finalisa.